



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCLXXXVIII. Der Rath der Neustadt Salzwedel documentirt die von dem Priester Johann Jetze in der Katharinen - Kirche gegründete Gedächtniß - Stiftung, am 25. Januar 1459.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

Willen laten hengen an düssen Breff. Gegeuen vnd schreuen Na Christi Gebort vertehundert-Jar, darna in deme drie vnde drittigsten Jar, am Auende Sancti Johannis Baptiste, des Dopers Christi Jhesu.

Nach Lenz Br. Urk. S. 551 f.

CCCLXXXVIII. Der Rath der Neustadt Salzwedel documentirt die von dem Priester Johann Zege in der Katharinen-Kirche gegründete Gedächtniß-Stiftung, am 25. Januar 1459.

Wy Clawes moller de older, Clawes rekeling, Borchard Bade, Tide boek, henning kremer, hermann lyften, hinrick grotayan vnd Arnd berndes, Radmanne der Nyenstad Soltwedell, bekennen apenbaren tugend vor alliszweu, dat vor vns gewessen ist De Erlame herren Johann yetzen, prestere, myt den gildemeistern der Elenden gilde myt vns In der Nyenstad Soltwedell, vnd hefft gelecht vnd gegeuen, lecht vnd gyfft mit guden, fryen willen, In Crafft desztes breues, To Sunte Martens Altare vnd Vicarien, de belegen iszt In Sunte katherinen kerken, vmme meringe willen godes denttes Na synem dode, vmme syner zelen, Syner oldern vnd alle syner leffhoueden zelen salicheyt willen, Eluen marck penninge Jarliker rente soltwedelscher werung nach Inholdinge der vorsegelden Breue, Alsze vyff marck renten vor negentich marck penning, vpp hans laurentzen Erue vorsegeld by der wedeme, vnd drie marck renten vor vyff vnd vertich marck penning vppe herman scroders Erue vorsegeld by diderick hildensz belegen, Der fyck de vicarius der vorbenomeden vicarien bruken vnd boren schall to Ewigen tyden. Weret ouer sake, dat de houetbreue von den Eluen marcken, vorgenomet, worden affgekofft vnd gelozt, Do schollen de varwesere der Suluen Eelende gilden alszodann affgekofften Summen wedder anlegen an gude wisse Rente, also szee erst konnen, myt hulpe vnd fulborde des vicarii, Myt fulkem bescheyde, dat de vicarius schall laten began den vorbenomeden herrn Johann yetzen, Syne olderen vnd alle syne leffhoueden Twie In dem Jare Ewichliken myt vigilien vnd zelemisen, Benomliken In der weken na der hilgin drevaldicheyt vnd In der weken na Michaelis, wan dat der kerken vnd den presteren beqwem is, myt twelf presteren, dede plechliken lezen, In vnser kerken to Sunte katherinen myt dem kerckherrn vnd twen Capellan, Eynem yewelken presteren Sees penning to der vigilien vnd Sees penning to der zelemissen, dede dar to kore synt, vnd dem grotenkoster Achteyn penning vor ludent vnd vor de vigilie vnd dem vnderkoster veer penninge Sunte katherinen to yewelker tyd Seesteyn penning, wann de vigilien vnd zele misse hold. Des to merer tuchnisse is vnser Stad Ingefegell myt vnser witschopp gehangin an dessen Breff, Na Christi gebord vnser herren veerteynhundert Jare, dar na In dem Negen vnd vefstigsten, ipso die Conuersionis Sancti pauli.

Nach dem Originale im Stadt-Archive zu Salzwedel, Fach 12, No. 35.